

白沙集


八





漢書門類			
一〇	三五	一〇	三六〇
冊	函	架	號

内閣文庫			
五六	一〇	一〇	三六〇
函	冊	架	號

内閣文庫		
番號	漢	10360
冊數	10 (9)	
函號	316	111



綴じ部(喉部分)の文字など開きが不鮮明な箇所あり



白沙子全集卷之八

淺草文庫

七言律詩

次韻張廷實舟中寫興

春浪江門又打山孤舟誰蕩兩山間
雙眸少見鸞高翥百歲當如蔗
倒餐影響何勞空說夢功名真個不如閑
何人解脫葫蘆纏跳下漁磯共

釣竿

白沙先生六十年脚頭到處是青天
幾場世事攢眉應千丈雲根枕頂眠
今夕高談真不偶後

來勝會恐無緣白頭不起江門浪打住吟風弄
月船

好月江門客未眠水風吹冷綠楊烟望窮碧海
三山路興滿羅浮七洞天勢利可能驅我輩路
人剛道是神仙千峯不語留君醉乞與人間作
畫傳

寄張蕪素

歸舟遠泝長江水信息初通五嶺雲此日山林
聊共病幾時風月許平分諸賢在位當扶世我
輩何人敢避群蚤晚求丹還入海風濤滿地却
懷君

緝熙至用寄蕪素先生韻寫懷

黃鸝啼破海山春萬里滄溟一片雲童子燒香
賓客坐老妻謀酒隔牆分閑花塢裏藏春色麋
鹿山中失舊群今夜蒲團空對我明朝煙艇不
隨君

草閣春風忽兩人坐臨江水看江雲尋常肝肺
詩中寫六十頭顱鏡裡分落絮風驚還著樹行

人日出便離群孤舟遠下南京道望斷梅關不見君

寄太虛上人用舊韻

衆生尊我我須勞公在吾儒公亦豪數點曉三
滄海遠一牀秋月定山高性空彼我無差別力
大乾坤可跌交十二萬年如指掌且拚閑
甄陶

寄定山

影響驅馳等是勞風流今古幾人豪但聞

衣裳古更見伊川帽桶高巖徑無風松子落翠
屏終日白雲交定山樣子從來別詩變堯夫酒
變陶

封博羅何孝子廬墓詩卷

春夏誰開發育功直憑天地閉秋冬三緘欲了
西涯意諸作還經老手封活水有源終到海遊
絲無力祇隨風肯將吾道千年計跳入羅浮四
百峯

重約馬默齋外海看山

春風擬進赤泥舟曾約看山共此遊落蓋忽過
三月半先生能復一來不堪老我痴猶在且
喜嬌兒病已瘳想得渡頭楊柳樹清陰閑弄釣
魚舟

代簡答黃大理仲昭

先生面目入中年海曲丹青不遣傳尺簡豈堪
頻問訊兩京還說舊因緣餘生可試屠龍技異
嫁纔消鬻犬錢九曲棹歌君莫唱千秋誰和武
夷仙

代簡答林蒙庵用前韻

忽忽浮生又一年圖書老矣待誰傳人非為已
終無得我與先生似有緣六十懇辭兵部祿尋
常亦欠酒家錢武夷九曲君應到爭向區區問
學仙

次韻答林別駕

誰軟南溟一口清惠陽別駕不勝情春雲可待
成霖雨空谷還來問朽生每恨功名欺老病閑
將律呂寄新聲白頭滿眼知音少却愛夫君蓋

未傾

杖

一杖何妨九尺材
白頭筋力小低徊
西崖拄月翩翩去
浦口挑雲得得來
原壤見之休叩脛
醉鄉扶我且啣盃
一生用底公須愛
持贈山僧恐未該

與陳聰

秋風兩見莆陽子
皂帽青筇去復回
眼底流年三十許
脚跟行路幾千來
未知世事真能忘
初

得家書不肯開
若問江門何所見
兩涯春雨

青苔

袁侍御輓詩

九載宜興共太平
長官能事問生靈
霜臺白筆宜當路
北極中天拱列星
眼底兩途分淑慝
手中三尺有雷霆
却疑夜半龍川雨
直爲高賢洗汗青

山齋秉燭話同遊
十九年中酒一甌
赤縣敢辭烏府召
江湖先有廟堂憂
諸公不意辰星少

百計猶須晚境休何處龍川子規鳥爲君啼恨
五更頭

留朱甘節誠庵先生之姪也

早從太保學關西三十不官人得知到處自稱
西楚客逢人只說李承箕百錢拄杖還雙屨千
里低頭但一碑江上竹枝歌正好留君况是月
明時

中秋與朱甘節白沙賞月呈甘節兼寄其
從子玘

天壤與君分楚越中秋高坐白沙庵雖無絲管
留人醉且對滄波與客談桂樹何年攀月窟竹
枝今夜唱湖南外沙子弟通家舊一一煩君語
阿咸

元旦試筆

六載虛叨供奉恩白頭吾亦兩朝臣問問擊壤
今弘治簡冊編年又戊申日色小薰穠李晝風
光欲醉乳鶯春廬岡此景誰分付也到江門不
屬人

天上風雲慶會時。廟謨爭遣草茆知。僂墻旋打
娛賓酒。稚子齊歌樂歲詩。老去又逢新歲月。春
來更有好花枝。晚風何處江樓笛。吹到東溟月
上時。

次韻李子長抵江門之作

江門之水流。千春玉臺之山多白雲。此山若解
留人住。此水應湏與客分。雲谷丈人終不老。舞
雩童子又成群。去時若問來時見。尋樂齋前對
此君。

送李子長還五羊

津頭看水坐成痴。天地閑人我却知。此日江山
初見子。向來風韻更因誰。春波蕩柳舟難繫。曉
樹啼鶯枕欲欹。江上明朝空引望。白雲何處久
支頤。

寄廷實用前韻

轉花黃鳥更狂痴。報得春光滿地知。千首有詩
都寄子。一瓢無酒可干誰。夜來極飲花神喜。江
上長歌斗柄歌。還憶舊游三兩輩。眼前今古涕

交頤

得陳庸書寄莊定山

族子不須疑用舍定山休更問行藏千年天地
逢開闢一代規模見主張老惜筋骸雖伏枕分
井藜藿也高堂觀棋莫道無高著當局輸贏又
未量

約諸友遊圭峯文都報子病不果行

西望蒼崖意已傾恠來天道與人情雲頭似墨
朝垂幕雨脚如絲夜擁綾三約兩違真未信百

憂千筭卒無成相看獨有南山老打硬猶堪逐
後生

與廷實同遊圭峯別後奉寄且申後來崖

山之約

弄罷飛泉下玉臺青天何處首空回城中春雨
君高卧竹下菴亭客未來坐隔談鋒終日笑碑
封丹蹟幾回開孤舟莫負秋來約同到崖門白
浪堆

千尋嶺上更登臺再到丹丘忘却回雨歇山齋

人已去月明江舫夢還來不拚鐵柱唐針利豈
乏金篦刮眼開四首崖山多感慨英雄枯骨漫
成堆

用前韻寄文都曝日臺

君家曝日有高臺君坐臺中日幾回旁舍先生
扶杖過平湖縣博寄詩來不知天道晴還雨屢
見山花落又開已有高人來指點白雲何處路
旁堆

次韻李世卿雨中

南北東西眼欲連簷頭風雨夜鳴泉天低鄂渚
衡山外人在江門海水邊愛酒時時同李白論
詩稍稍到庭堅故人解致西山鳳想脫漁蓑上
畫舫

偶成

秋月朗耀秋風清漁翁自歌還自聽却慙夜半
留雙睫早為人間了六經賢聖當為天下極何
人不共此心靈從前欲洗安排障萬古斯文看
日星

與世卿閒談無呈李憲副

風光何處可憐生共把閒愁向酒傾今日花非
前日看少年人到老年更秦傾武穆憑張俊蜀
取劉璋病孔明萬古此冤誰洗得老夫無計挽

東溟

禮樂猶存魯兩生至今聞者尚心傾乾坤已正
高皇統制作還隨漢事更世情迥與溥風別山
色須看過雨明枕底白雲開一片直從南斗踏
東溟

酒醒西巖看月生此懷此夜向誰傾百年自信
官情淡兩耳那聞世態更露飲秋蘭分楚客詩
連石鼎對彌明五湖煙水能多少更整絲綸釣
八溟

午枕清風汗不生鼻雷打到日西傾東西山色
移床看六十年光轉瞬更廬阜白雲真太華玉
臺高閣小朱明丹青若更閑分別老子江門是
一溟

草長津南薙復生陰晴天氣欲相傾短簷風暖

備宜睡古瑟絃高且莫更有客艤舟留信宿呼
兒問酒出黎明短棹江畔聊延佇又聽漁歌徹
四溟

病裡風光如隔生泥尊名酒爲誰傾不將尊菜
還張翰也把茅根與率更松下白頭眠卓午沙
邊赤脚步平明安期久矣無尋處知在南溟是
北溟

獨立滄茫笑此生瘦筇幾尺也扶傾新傳隻屨
無多售舊濫吹竽亦小更徃徃詩囊隨李賀深

深酒殘寄淵明世間未必如公足山有飛雲水
有溟

碧酒三杯春又生偶逢騷客各披傾楊雄織字
終誰讓家媪知音却屢更舊管一題都迭蕩新
收半卷轉高明封緘遠寄而宗老月在青天影
在溟

羞將白髮對黃生信未通前意已傾門靜客稀
偏足話山迴埭遠不知更鷄鳴桑柘孤村曉日
出東南一角明我欲與君同辟穀不携妻子住

滄溟

月下懷世卿時在南山

世卿昔赴南山召今見南山問世卿
信宿世卿向何處一片南山空自青
滄波脚底機全活勾漏囊中藥果靈
且傍鐵橋携笛上亂峯明月試吹聽

寄外史世卿玉臺

兩崖樹石幾重衙富貴人間未足誇
到寺客携元亮酒在山泉煮玉川
茶高軒倘許重過我多

病仍便久卧家對月不禁秋思得清吟
分付一

籬花

病領詞官不到衙老慵無意向人誇
四特好景偏留句兩腋清風每試茶
司馬雖稱題柱客薛公猶在賣漿家
近來山寺多高興更作詩豪對浣花

城扉半掩更休衙客子山中句可誇
階下西風吹落葉僧呼童子掃烹茶
著書歲晚堪投筆見月宵來定憶家
記得西甌舊游處滿船秋雨木

綿花

江城吹笛月斜衙回首秋巖寂可誇世外一眠
那有夢腹中三斗却須茶文衰東漢無高手詩
過中唐少作家笑殺平原趙公子當年毛薛眼
金花

記旱用前韻

簫管聲停刺史衙豐穰無復去年誇禾焦百畝
還輸稅菊到重陽可泛茶僻壤兵戈悲此役隔
村煙火問誰家諸公果解憂民極肯筭腰金不
鏤花

得鄧俊圭書

舞雩童子亦同遊陋巷高賢得自求漢老豈非
徐孺子宋人何獨薛居州數莖雪報年華晚獨
樹風驚昨夜秋書使遠來深有意白雲高憤岸
羅浮

九日李鴻兄弟携酒從予登舍北小廬峯
四望書所見寄世卿圭峯

山愛廬峯節愛名登臨袞袞到諸生千巖已見

昏鴉集兩楹還挑大鱉行壠稻不收交馬跡寒
花莫賞更人情玉臺此日秋風賦誰敵縱橫李
世卿

六十一自壽

世間甲子是何年母鬢雙皤子亦然十數曾孫
羅膝下兩三杯酒笑燈前尋僧野寺花迷路吹
笛江門月滿船 聖主萬年歌不足黃河清了
鳳 翾 躩

孤子今來六十一慈親已過八旬三旌書門外

題新榜拭泪床頭換舊衫少有蓄畬供俯仰不
妨漁釣老東南些兒別作長生計巖畔丹書有
兩函

侍御朱先生將還京再過白沙言別出示
同寅周先生送行詩因附其韻

老大師門浪我推飛騰天路是君期兩藩須按
兵民籍百姓當懸父母思燭剪山齋曾舊雨盖
傾京國亦多時分携別作無言贈處處還君不
暫離

臨安守鍾美宣同姓將赴任過白沙言別
出示莊定山所贈詩次韻

崖門春弄海濤高太守當年共草茅山閣遠煩
青眼顧世情渾是白頭交功名此去期當道風
月何妨坐小舸敢冀千金收馬骨真成一咲擲
鴻毛

夜半海風來最高江亭卷我三重茅一林月色
曉還在四壁波光寒欲交皂蓋忽聞催驛騎綠
楊長繫釣魚舸也知窮達關天命誰把行藏管

鬢毛

廷實累約遊崖山不遂世卿在數千里外
不期而同固亦有數次舊韻寄廷實

海中來覓羨門生雪浪如山故故傾畫舫兩期
人不至蒼崖一別歲頻更嘈嘈鼓笛轟雲下弄
弄波濤到月明誰道青蓮李居士一槎千里共
浮溟

和世卿留別韻

笑索南枝冷未禁詩情翻益別情深杯中涕泪

知郊意手裡推敲失鳥心赤壁去看橫白鶴大
崖不著買黃金山僧許借山房睡只許僧分月
一尋
白首山中病不禁百年愚計謾成深四千客路
旁人笑去位憂端各此心何限詩留何限意一
囊書當一囊金江門細路細如線端為高軒廣
尺尋

代陳汝岳謝李世如掛玩琴軒記

先子當年坐一軒軒中高榜揭無絃斯文觸目

休論價世德流芳可盡年從此兒童堪我誦是
何風韻與人傳道旁雖有崖千尺不得名家

字鐫

玄真送耕

溪園十月摘黃耕歲月將窮致小籃繞膝痴孫
高起舞隔年乳酒正開罈色香本出梨之右風
味真無嶺以南不惜霜根傳藥圃白頭還解荷
長鏡

讀丁知縣行狀申文後

白

卷八

八

十六

州里懽騰此郡推揮毫今徹九泉知古來士論
都元氣天下人心自秉彝太史書湏凡例定桐
鄉愛是長官遺憑君更向郊原問怕有人間未
采詩

得世卿南安書

嶺客歸時一信通匆匆燒燭待開封心知別去
千回折詩長從來一格工大意天開曾點識前
塗誰貸阮郎窮世間浩浩閒來往除是青山不
負公

世卿寄示經飛來寺和予壬寅秋舊律詩
復用韻答之

山寺燃燈客欲留客情到此淡於秋詩篇可續
還杯酒行李無多共一牛峽水更看東逝急嶺
猿那肯晝啼休舊題回首今如夢巢父猶應咲
許由

將營土閣使人取材於海山颺作舟踰期
始至喜而賦此

颺母徒懷一月憂眼中材木稱心求老妻洗爵

傾紅秫秋浪來帆出白頭萬里滄波宜遠望四
時風月欠高樓時哉版築休停手二頃陂田幸
晚收

秋夕偶成小兒失解聊以慰之

崔顥賦詩黃鶴樓白雲黃鶴兩悠悠江山供眼
不知老風月滿棗還是秋三試吾兒雖失解一
花司馬未簪頭何人久抱遺珠恨黑鬚抽成白
鬚抽

憶世鄉廷實用寄景暘韻

東西垣竹影交歌坐到芭蕉月上時何處塵蒙
春試馬壁間苔沒舊題詩一杯脫粟吾將老萬
里長風子可羈別有樵夫來歇擔晚涼松下一
殘棋

永豐劉景惠持吾亡友羅一峯事狀來訪
白沙道其尊翁程鄉宰肅庵願友之意留
余館中數日贈以是詩

儒官秋晚謝遲回林下齋扉不浪開顧我敢辭
千古迷故人真爲一峰來風流想見雷封下消

息通傳雪浪堆明發仙舟聞解纜屋烏情在莫
頻催

贈潘上舍漢用前韻

東山月上暮潮回誰遣歸帆趁月開草屋肯留
潘上舍玉臺還對古如來纔看溪樹交成幄又
見秋沙卷作堆半醉贈君歌亦半教兒還覆一
杯催

予欲為一峯傳而患無所本其子梁撰事
狀托程鄉令劉君肅庵肅庵以授其子景

惠至白沙予將考其事實為傳無所復辭
顧吾文凡吾懼不如司馬可傳之遠景惠
行復梁兄弟以詩用前韻

北海英風夢始回誰將年譜到山開忽驚落月
神如在却對秋花笑不來雛鳳一群丹穴內殘
星幾點慶雲堆春秋畫筆終難擬天地斯文更
著催

晚酌示藏用諸友

藏用先生門人
梁文康公初字也

何處氤氳到此溪香林高樹望中迷瘦藤拄月

秋山遠破褐隨風晚袖低廬阜亦開新洞府玉
臺還是古招提黃柑白酒誰賓主不放今朝醉
似泥

風清月朗此何溪幾個神仙被酒迷雲水此身
聊起倒乾坤入眼謾高低因過紫極聞丹訣旋
把黃金鑄水提問我何如蘇內翰夜觀赤壁踏
黃泥

四人把手過龍溪一路梅花了不迷滄海月明
三島近白龍天迥衆山低客携卷子抄詩草兒

上松枝掛酒提盡日醉眠崖石上莓苔茵厚不
沾泥

涪翁指點好濂溪老眼青天醉不迷五老峯連
湖月白綠荷風颭水煙低無窮光霽還相接太
極圖書謹自提懶與時人談此事風流真個隔
雲泥

賞音無代無須溪我為諸君略指迷開卷直疑
韓愈錯吟頭剛向孟郊低貪脩大藥遺真種爭
得刀圭出粉提晉魏以前無近體獨憐陶謝不

拖泥

東溪牽犬過西溪短屐衝烟步步迷秋竹苔深
人語靜古壇松冷鶴巢低山花折去空盈把春
酒沽來不滿提笑把長竿弄江月草間郭索尚
蟠泥

屋上青山屋下溪溪山何處使人迷巖頭老樹
排風正門外垂楊拂浪低東渚曉烟縈舴舻西
山夜雨落菩提涓涓却咲三江水未洗巖光脚
板泥

漁翁向夜宿何溪月色蘆花到處迷蓬背風吹
黃葉過船頭浪捲雪山低晚來竿綫殊堪弄老
去干戈不著提自有平生烟水分何曾軒冕視
塗泥

丹青不寫武陵溪只記桃花也著迷芳草獨行
山路僻白雲相送洞門低笑呼竹笠前頭拜交
付詩囊右手提風月滿山關不住他時須用一
丸泥

十一月梅開滿溪探花長是被花迷巖前老樹

藤纏殺路上橫枝竹掃低香動酒卮羞欲軟影
留山月不堪提逋仙此意還真否笑指江門屨
底泥

贈朱玘還柳陽

君過衡山不上山祝融峯在有無間青燈此夜
聞長嘆白髮何年許共攀碑蹟我留諸叔久酒
杯誰放世卿寬明朝又別東溟去還着東溟盡
裡看

得賀黃門克恭書

一封初展制中書萬里遙天見起居何處江山
還着我斯文今古正關渠傷心入夜思賢母老
眼當年識鳳雛灑洛諸公傳不遠風流衣鉢共
團蒲

疊前韻寄迺子諮

少年誰授訪之書父子元來共廣居無極渾淪
親茂叔西銘特達見橫渠名駒獨步空凡馬一
鷲高飛失衆雛想得趨庭詩禮罷愕然木榻對
盆蒲

耳目無交不展書此身如在太清居雪消爐焰
冰消日月到天心水到渠一一園花都傍暖飛
飛江燕未將雛好春好伴湏行樂束起松根七
尺蒲

和元夕客中韻

人間樂事此宵同高坐春風一蒂中無地張燈
聊對酒是時聞雨不開蓬推敲一字須公得剪
刻千門亦女工厭見乾坤多事在紛紛萬有不
如空

次韻張侍御叔亨至白沙

生死遭逢未可知兩生名氏至今疑自陳多病
耳為退肯與閑愁博得衰冷雨侵人呼酒數瘦
藤扶老看花遲繡衣未笑茅根禿來請延陵十
字碑

舊事追惟喜復悲一生羸馬着鞭遲春來花鳥
偏留賞老去膏肓更莫醫蘇子瞻家真一酒邵
堯夫樣打乖詩同歌同醉同今夕絕勝長安別
後思

次韻張叔亨宿別

春草江門綠兩涯隔江人唱浪淘沙好春剛到
融融處細雨初開淡淡花僻地豈堪留客久連
床端合拜君嘉明朝愛得醅醕別笑脫藤蓑付
酒家

次韻鄒汝愚陽江道中見寄

幾番形蹟落堪輿我亦人間一腐儒遺我數篇
風格別思君一夜鬢毛疎未知滿眼誰能恕可
復窮鄉自作孤十二窩中春自在打乖正坐不

堯夫

春寒

江雲將雨弄春寒壞絮中宵裹作團二月北風
還浩浩幾程西路更漫漫忽聞鶯語當窓沸想
擬花枝翌日看天道陰晴也無定藥爐且可共
泥丸

容一之飲隣家酪酏仆地戲作

一之少有足疾扶杖

山人早拄十年筇勃率高低笑殺儂拾得田中
雙草屐知傾花底幾郛筒虛空筋斗何妨打造

次文章莫浪攻見說綠楊津口月玉山先倒主人公

贈曹侍御

吹斷南風雨一川畫船到處是青天公程我枉
聊經宿吾道君憂正百年東海病夫身自遠九
霄孤鳳眼將穿不知詩史千年下誰與平章贈
處篇

何宗濂書來推許太過復以是詩

後來鄉里不如前五百乾坤浪數年何地可扳
文獻駕平生願執菊坡鞭泰山北斗諸公地明
月清風病叟天竊比聖門吾豈敢汗顏窓下讀
來箋

題兩山居山圖為新淦李文光大賈

盤谷不知何處山君家真是兩山環萬杯春覆
酒遺老一枕日高天與閑水墨殘巾藏措大江
湖前夢說邯鄲披圖一笑逢摩詰北泝南垞欲
往還

讀林和靖詩集序

廟堂不坐周公旦到處山林有鹿麋北斗收名
千古獨西湖送老一枰誰鶴知好客來尋主月
為疎梅出併詩未肯低頭陶靖節掛懷身外五
男兒

寄劉東山方伯用送緝熙韻

高山流水好鍾期不是西崖那得知舊雨僧齋
勞枉駕秋風薇省近傳詩堂堂白日青天見昧
昧蒼生赤子思神爽屢交終是夢幾時携手以
交離

寄謝天錫

不了從無病與貧小廬峯裡白頭新問誰肯我
同精舍垂老思君是故人世事轉頭渾覺夢烟
花過眼可憐春幾時來伴江門釣閑與諸孫講
舊聞

次韻鄭筠巢哭子

八旬老眼為誰枯泪盡家兒不受呼天下誰還
禁此哭人間春已背公徂肝腸裂斷詩能寫氣
力傷多酒不扶正坐兩州消息好不違家訓逐

貪夫

次韻李子長至白沙

山轉黃雲信脚行西風吹袂五銖輕勝遊自喜
多閑日衰病還堪逐後生白髮我因何事笑黃
河人見幾回清看君合伴廬岡睡不獨能詩一
技成

邀馬玄真用前韻

閑眠閑坐或閑行身老溪雲病亦輕客至正當
秋釀熟船來莫待晚潮生江山偶得三人對風

月還添一榻清昨日書來張主事頭顱空訝老

無成

駐屐岡頭望且行輓轡閑轉釣絲輕秋風篙楫
來無遠夜雨溪毛剪復生精舍晚開諸老共長
江東匯此門清李家子弟雖能賦浩浩之歌老
更成

再和示子長

名駒千里始能行何許雲霄一羽輕半個先天
無邵子幾回隔壁笑侯生幸逢 聖主重華聖

白以子全集卷八
遮莫清流徹底清手弄一九無剩欠山林廊廟
總圓成

支離病骨此閑行搭颯短蓑何太輕人世萬緣
都大夢天機一點也長生借眠春草秋還綠偷
賞黃花晚更清莫笑老慵無著述真儒不是鄭
康成

與子長說詩忽聞有談方伯華容劉先生
德政者因用韻以示

皇皇孔孟老于行公履何階是不輕萬有乾坤
潭欲動一波滄海莫令生閉門想見衡山大照
眼遙分楚水清肯為蒼生留不去三年方岳豈
無成

候玄真不至用前韻

公來不來客亦行上江船逆下江輕空聞此日
悲吟在誰問從前太瘦生竹月曉沉山閣冷石
壇秋老菊花清人生佳會真難必十度商量九
不成

野菊籬前領客行白牛拖轉小車輕風流有樣

看前輩笑語忘機接後生
霜簟夜攤巖屋冷月
瓢秋泛釣湍清東溟
望斷漁翁地只賣江門一
券成

次韻羅冕

高笠短蓑吾不疑
白頭真結兩生知
天生男子非無事
公是閑人莫廢詩
十月酒多留客久
千峰月朗閉關遲
夜深自弄江門棹
驚起前灣白鷺飛

送譚士直春試次世卿韻

山藤短窄製蓑衣
獸錦長披力不支
挿帽有花羞我老
鈎詩無酒送君遲
相依綠樹聞歌鳥
肯著黃金買侍兒
草尾河南俱有識
不知來歲狀元誰

種梅

晚從種樹作生涯
十一月梅移帶花
根着不隨風
偃仰墻低惟信月
橫斜夢中山
我羅浮到雪裡
詩誰處士佳
君欲尋梅何處是
江門樵路更旁叉

種樹

早雨山泥滑屐牙瘦藤扶路入雲斜東原綠映
西原白一徑松連兩徑花寒夜試看殘月掛春
風須着短牆遮江門亦是東門地我獨胡為不
種瓜

長日山齋不弄棋只憑種樹遣衰遲小將梅逕
分枳殼不怕松根奪荔枝帶雨烟光春淡泊隔
牆花影晝離披等閑俗計休相聒拄杖來看又
有詩

元旦次榮敷韻

謝梅開杏了何疑一節花應一節知拍岸綠波
春映閣轉枝黃鳥日撩詩江山若惜開懷早歲
月偏驚聚首逢繫馬玉臺重引望白雲閑與鶴
同飛

輓黎雪青

詩草人收味月亭先生何處獨登瀛山雲自映
新墳白齋榜空懸舊雪青到了有生還似寄尋
思是夢不如醒祇應更坐蒲團破讀盡琅函幾

部經

劉進盛書來勸著述用舊韻答之

一入商量便作疑
可堪垂老更求知
追陪水月惟須酒
管勾風光却要詩
孟子生憂傳道廢
仲尼不怕著書遲
青天試問東南上
何處凌空拄杖飛

用前韻寄羅養明工畫竹

東西舉踵笑人疑
種種邯鄲夢豈知
風雨揮毫千丈竹
江湖回首十年詩
數杯歌舞嫌春淺
高枕乾坤得老遲
聞道一枝棲亦足
刺天那肯逐群飛

王臺次楊敷韻

咲倚長松咏晚臺
三三兩兩共無懷
人間紫府千回夢
我共黃雲一路來
鹿洞當年尋李勃
鵝湖今日想東萊
將軍夜半還能飲
欲引東溟入酒杯

與楊敷投壺

矢戰輸贏更不疑
老年精力此壺知
君期大捷

休疑手我放微醺好賦詩三舍避人心每下一
牀對此意彌遲乾坤妙用安排外肯放絲毫到
奕棋

楊敷別後有懷

春潮渺渺獨乘槎春雨霏霏別釣沙海味豈能
甘此客華山真本駕吾家青垂綺陌千條柳紅
脫荒溪幾樹花老脚尚堪遊走在紫藤高柱赤
城霞

江門衝雨送歸槎破帽排風落晚沙向暖野鷺
猶戀樹感春遊子未還家山瓶免續沽來酒草
閣空殘別後花明日越王臺上望白雲何處杳
飛霞

贈趙日新還潮州

千里徵文到此堂東風歸棹夜相將雨餘帽頂
天如洗花落船頭水亦香考德每勞休講席臨
流親爲瀉椒漿潮人共守文公教趙德文章獨
擅場

送順德李縣幕岳兼呈吳明府

白沙子全集 卷八
江上清風不卷沙山中濁酒未藏家數杯送客
發孤唱半醉扶吾來小車莫使長官愁案牘當
令滿縣種桃花敝居正在廬山下幸不來時路
口又

春日偶成

缺蝶飛飛花映窓流鶯恰恰柳垂江出墻老竹
青千個泛棹春鷗白一雙暖日暄風酣獨卧來
牛去馬亂相撞江山指點非無句誰致先生酒
百缸

贈余進士行簡別

行藏今古漫云云誰把妍媸鏡裡分鄉里論年
多拜我雲霄步武不如君短檠課好都黃甲獨
板門深只白雲欲識江門臨別意東風吹面酒
微醺

雨中偶述效康節

江門何處遣詩懷風雨終朝閉小齋同社客來
休見問卧家人懶不安排煙浮石几香全妙露
滴金盤酒極佳半醒半醉歌此曲不妨餘事略

詠諧

今雨還留舊雨羶滿襟涼氣似秋天偶因門外
無來客得向山中作睡仙樽俎喜歡朝暮醉鶯
花撩亂兩三聯只消詩酒為堅壘肯放閑愁入
暮年

山房四月紫棉衣無奈連朝雨欲欺老去杖藜
終穩便朝來花酒又淋漓昔賢曾共骷髏語今
日寧求俗子知莫笑狂夫無著述等閒拈弄盡
吾詩

次韻李憲副留別

一莖白髮未生鬢四尺黃金猶帶身歸去且看
湖上月相思還慰嶺南人情關遠別詩難寫花
不能言鳥為申紫陌朱門天上事華山都道不
如貧

次韻薛庶憲見寄

華袞之褒非所敢當惟
喜詩律之嚴整命童子

作越聲歌而和之耳謹依韻一首錄上不
俟傾蓋之愛與區區頌禱之忱一寓于此
惟高明察之

嶺表生民澤可涯九泉吾恐躍枯骸豁開天日

驚人眼指點江雲詠此懷弄釣不生鯨尾浪入
山休攔鹿門鞋松根坐滿廬岡月夜引壺觴望
泰階

承白洲李先生見惠白米蛇酒香茗諸品
不勝榮感用韻以謝

舍釣開緘綠水涯偶來雲水弄衰骸即炊雪粒
供朝饌便瀉蛇漿放老懷海上旌旗頻照眼城
中塵土未粘鞋廬岡此日還精舍賓主何時更
兩階

次韻劉程鄉至白沙

七月紫蘭開我家是誰醉挿滿頭花千峰有客
同文酒三日無錢落盡又製錦手將龍補袞釣
魚船載月橫沙人生出處各有意敢向秋江問
去車

九日小廬山示諸友

九日風光滿薛蘿一年天氣最清和泛花殘小
潘郎醉擊壤聲高葉子歌東海傾心狂措大南
山當面老頭陀謝生愛卜葵根宅說道葵根月

更多

九日下廬山

秋風浩浩洗芳蕤瘦盡千峰鴈始飛南海一波
長不定西山半面却疑非醉拈秃筆題蒼壁
咲插寒花弄彩衣樂意滿腔推不去狂歌待得晚
鴉歸

奉陪方伯東山劉先生往匡山舟中作

且作東山管病翁乾坤今古笑相同高松落落
都擎日寒水粼粼又起風附子大黃天下藥蟲
妖鼠恠世間亮數聲鼓角滄溟暮竒石船頭鬼
拜公

東山至匡山議立慈元廟因感昔者夢中
之言成詩呈東山

海上一陵何處封劉翁今日問陳翁天翻地覆
諸王世草死厓枯十月風慷慨尚餘精爽在依
稀猶作夢魂通江山指點真還我棟宇商量果
待公

元日有懷楊榮夫示陳東淵

今年酒不對榮夫來歲東淵對我無人結靜緣
依嶺屋日浮春色上桃符哀鴻叫月今何向野
鶴穿雲不受呼老得身閒湏愛惜蚤馳虛譽費
支吾

代簡答林蒙庵先生

空山歲晚未逢君天許窮交只白雲賢聖中庸
非我夢東南風月可誰分浪求去馬真堪笑欲
報來鴻未有因千古遺篇都剩語晚生何敢復
云云

蒙庵問
所著書

次韻興化王太守諸公會飲顧通府宅見

憶白沙聯句

兀兀騰騰且白沙鐵橋歲晚未移家子規枕上
無人喚枳殼江邊有酒賒萬物有成寧免壞百
年無喜復何嗟漁翁欲語滄溟外安得諸公共
釣槎

次韻顧通府儼歸索和章

山居還有事權無童子朝朝告水符我得此生
真得矣公知人懶不知乎一春花鳥篇章廢萬

里雲霄羽翼孤惟有白龍池上月夜深來伴老
樵夫

眼中魚鳥異飛沉天損真誰不受侵別駕何須
稱我病諸公那肯借人深三年入報天官政再
命來腰刺史金何許慢亭君欲去虹橋跨月幾
千尋

次韻吳猷臣明府

白雲流出一溪閑照見人間笑笑顏年少不妨
投筆早路危須信着鞭難乾坤許我具雙眼名
利真誰破兩關千古伏波如白日等閒猶謗載
珠還

千古聖賢孰與閑潁陽剛好對商顏看來彭澤
都無累歸去柴桑便不難踏裏嬌兒方偃蹇登
高羸馬怯間關思君坐歇江亭雨何處蒼煙鳥
欲還

小酌次韻

清齋不厭紫芝貧夢裡衡山欲借春日麗好花
花當妓水流孤月月隨人香醪數斗過伏臘高

笠一流無主賓醉睡不知春事晚風飄紅雨點
苔茵

次韻世卿贈蔡亨嘉還饒平

大崖居士此彈琴誰繫孤舟綠渚尋滄海我真
忘僻遠雲山公肯到高深鼠肝蟲臂都歸幻雪
月風花未了吟滿眼欲知留客意廬岡孤月正
天心

林子逢至白沙作示之

舊雨還君紫菊詩秋風過我白龍池應看衰俗
人情破肯放中流柱脚歌弄影果誰非稚子請
纓正自不男兒人間若問逍遙化紫極宮中有
一碑

世卿赴順德吳明府之召五日不返詩以
促之

何處千杯一放歌楚雲剛好共婆娑百年幾見
都難說一日三秋不啻過索笑梅花催拄杖照
眠山月滿行窩高栖遠卜衡陽下却到而今夢
更多

今雨相逢聽此謔江門漁父老婆娑紫霞酒瓊
千回醉黃鶴仙人兩遍過這莫支離親藥棗何
曾造次出眠窩廬岡準備明朝飯小市津頭蚌
蛤多

一之夜歸自楚雲臺失足墜臺旁滿諸生
拽出之予聞大咲與世卿各賦詩唁之
力危掉却手中筇正賴諸公救得儂橫加斷岸
懸雙足滿吸清瀟到幾筒綿力不禁心轉怯衰
年長苦病交攻無端輕洩天機破能躍能潛黑

在公

次韻顧通判夜泊江門見示

病裏春秋六十更酒杯無日不淵明還將白髮
供人事自許青山不世情版籍又勞今別駕風
花帶管老先生紅蕖綠浪江門路肯放孤舟半
夜行

送羅服周解館

戀戀江門愧爾曹不離酒處見揮毫等閒歲月
拋鉛槧不賣聲名到桔槔幾個兒童供白髮一

年燈火伴青袍看花肯續春來約莫待黃鸝辭
碧稍

尋梅飲李鴻宅用服周韻

應有花神候水西曉林香霧隔窓迷君謀萊婦
肯沽酒我愛孤山來杖藜香影句中無樂府梅
花村裡有招提東風未到春先到莫向南枝着
眼低

次韻顧通守

到處能開觀物眼平生不欠洗愁杯窓前草色
煙凝綠門外波光月蕩開歌放霓裳仙李白醉
空世界酒如來春山幾幅無人畫紫翠重重疊
晚臺

留世卿飲用前韻

大崖居士且徘徊老婦家中喚洗杯園花當檻
春饒笑竹洞封雲晝不開一冬菜飯留君住萬
里風船破浪來若比詩情似坡老楚雲臺是妙
高臺

與雷震東

白少子全集卷八
何處黃公客欲還黃公山亦小廬山往來雲水
兩三輩粧點春風花柳間岳色曉行湘浦望湖
光晴到洞庭看有詩都點逍遙送九萬扶搖一
日搏

與雷震陽

近午黃鸝鳴樹樹深春紅雨落山山誰開燈火
書帷地郎在丹青畫幅間醉墨收歸湘篋富狂
詩抄與郢人看墻隈只欠梧桐樹高翼還隨老
鳳搏

與李巖

野鶴將雛到海還楚雲歸夢幾鄉山羨墻見我
三湘外歲月還君五嶺間杏苑不禁春意鬧美
人爭捲繡簾看長安莫買乖崖醉太華長留睡
老搏

次韻顧別駕江門夜泊

雲卷晴波千里白帆收落日半江明遙看煙際
樓臺迥不受人間鼓角驚碧玉偶逢須看眼黃
花已過更揮觥眼中別駕如君少傾倒尊前接

後生

次韻伍南山賀碧玉樓新成

脚底江山不浪開小樓占此是天裁光流南極
窓前枕春滿東溟掌裏杯碧玉久亡今復見白
雲朝出暮還來梅花又報羅浮信月上江門載
影回

百尺空中天眼闊三更月底夢詩成安排枕几
還公睡已有闌干信空凭鄉里過從盧行者海
山或遇羨門生當年碧玉無留賦何處青雲

擬凌

再和碧玉樓韻

乾坤真妙此臺開一一皆因造化裁意了梅花
難着句眼空江海咲浮杯未分無極源頭在誰
盡先天樣子來碧玉樓中閑隱几千千山遶又
川迴

讀世卿蓋卿挽五羊鍾狂客卷次韻

李家兄弟各才良誰為酬知水鑑光天地好人
還白好古今狂者豈皆狂碧油帳遶青絲鞵紫

錦囊封白雪章萬里平江能送我十年燈火夢
淮陽

次韻見訪

春曉不扃巖上扉遠闌紅紫欲開時花來勸飲
誰禁得天不能歌人代之滄海匯為雙帶遶青
山高起百重圍赤泥居士來相訪袖取雲笙月
下吹

飲酒

酌酒勸公公自譌三杯無奈老狂何坐忘碧玉
今何世舞破春風是刈藁一咲功名半管晏六
經仁義沛江河江門詩景年年是每到春來詩
便多

君莫停杯我為譌我今忘我是誰何避人懶弄
船頭笛對影非無月下蓑廬阜春雲眠華岳江
門秋水釣銀河竹弓挽住閑人手漸覺年來射
鴨多

再依韻答子長

樽酒相逢喜欲譌眼中人物又如何山光開戶

青遶几草色停舟綠滿蓑東泛與公剛到海西
遊去我莫踰河古今勝負彈碁手閑笑人間局
面多

聽到人間審戚譌馬周無病謝常何江邊野艇
眠依竹日出東山催着蓑自古或由詩入相如
公真有口懸河山樓盡日同揮殘花落黏罇晚
更多

逍遙華頂放仙譌華頂不登君謂何仰攀明月
天幾尺中借狂夫地一蓑亦見軒轅來鑄鼎不
聞夫子嘆臨河赤城路隔芳菲斷一醉碧桃春
更多

張主事報林縣博歸過五羊用飲酒韻
太白峯頭太白譌太白不歸天奈何風雨鷺回
一場夢江湖拈起十年蓑山僧借喻葫蘆纏武
帝收功瓠子河若道維摩元示病老夫當日病
還多

張地曹見和飲酒數篇復韻答之
若比漁翁別調譌不將遺響弄陰何往來釣瀨

生春水多少歸人着舊蓑學士有棧飛紫禁張

白上 東山無計謝黃河劉時雍 閑人只謾閑

料理春雨階前草又多

將至廬山有作和吳兆麒

欲翕還舒雲以之半陰半晴三月時君訝一曲

來陶謝我把諸峯坐武夷岸夾桃花藏釣石春

來江水入園籬孤山蕩破廬山影看到廬山幾

丈詩

和景孚遊山

樹底樵歌鳥欲飛澗邊苔色上人衣碧雲洞杳

春蘿合紫巖山深舊路微問我行藏今老大伴

人遊走只童兒采芳莫道無年少領得濃香滿

袖歸

青雲偶共白雲飛白雲閑映山人衣一路風光

春淡泊隔林煙靄晝霏微江山到我無前輩造

物磨人是小兒花下一壺休瀉盡明朝留得送

春歸

得世卿書訝其太略

曠年為別此封書應是山人半醉餘海月開罇
聊復爾楚雲回首問何如春來幾處藩籬破老
夢千年木石居笑割衡山共君老黃公何處且
茅廬黃公世卿
住處山名
報答還山第一書筆端有眼咲談餘行藏付酒
君亦醉兄弟論文我不如高榻忝同他雨坐西
山剛對此溪居因君料理安身處多少人間未
結廬

答世卿書

追和劉文靖偶得韻

千峯賒月飽清真到處風花對賞新菊徑豈無
蓮社酒遠師當與長官親經綸誰試期年手著
述空嗟百代人安得畫師深此意不將朱白浪

插春

三復遺詩有訂頌月中顏色見松關頭顱本自
成三極噓吸猶堪塞兩間老至不知何歲月古
來無恙此江山莫輕語默論前代天與閑人賸
與閑

吳明府約過廬山不果使人送菊酒至用
世卿韻答之

合是先生酒處偏菊邊月下不成眠兒哥野酌
三杯後花近藜牀二尺前大塊了空無極眼濼
溪分付小圓圈長官解記廬山否畧欠廬山一
日緣

次韻顧別駕奉寄彭司寇

序云別駕顧勉庵開司寇彭從

吾先生得請致仕還蕭賦近體詩二章賀之謂僕受知於先生者不可無言既示之詩尋又以簡來促因述所聞附其韻為和答之詞非所欲聞於司寇者也

今代爲官到六卿閩中此老最光榮面前路問
身須退闕下人嗟代有名晚秣還家新釀熟
溪鋤試手藥苗生相看不厭壺山好笑拂松根
坐月明

二疏誰叅漢大夫都門今賣送歸圖豈無經濟
酬當宁已道頭顱非故吾自古功名關寵辱
幾人廊廟不江湖木蘭之水清無恙以配先生
不可乎

嘉會樓上梁和顧別駕

遠離聲跡入無無又向人間見此模老去虛譽
深自愧古來名教要人扶每留半餉陪諸老絕
勝扁舟在五湖頗憶當年興國寺樽前高論欲
何圖

用顧別駕韻奉荅熊侍御

遠之非有近非無草色花香造化模俄頃咲談
飛鳥過丹青樓閣為公扶煙霞舊隱移匡阜水
月新整有鑑湖若個江山可藏拙幸來相賞莫
相圖

壽王松坡用西涯韻

清戎王侍御父

雪晴驄馬自知津誰道梅花不是春玉節趨歸
生日酒松坡未了白雲身父子箕裘真有是江
山富貴小看人往來獅子峰前路洞口榴花幾
度新

待黃太守見訪時當考績入京

端陽春好是公開公莫朝天不放回肯來嘉
會留一日更傍梅花勸幾杯踏歌漁父江邊醉
吹簫仙童海上来問我擁旌何處客畫船撐月

此徘徊

病中寫懷

世間賢智皆青瑣海上田家只白雲多病一生
長傍母孤臣萬死敢忘君諸公莫要連章說
先帝曾將短䟽聞何處擁旌來勸駕買羊沽酒
惜殷勤

總為功名欺白髮不將富貴薄秋雲雖然久病
無官况每拜名香祝聖君九十萱親誰待老
幾筮竹主話空聞定山何處無來耗惹得江門

夢寐勤

送左秀才次韻

脚底千峯不作難天涯相望幾間關孤村水月
能看客一路梅花直到山畝畝未應同我病軋
坤那肯放人閑東南更有春如酒肯到明年二
月還

雲蘿處士挽詩

誰開三畝卧雲蘿洛下元稱安樂窩風月尚留
詩卷在經綸只放酒杯多身將沙鳥還賓主情

擁山花當綺羅四十五年成一夢軋坤回首悵
如何

次韻汪御史留別

百代文章百代儒小將碧玉贊黃虞功名路上
多塵土桃李人間見此夫頃以高談知識量未
聞俗態是規模不因指示晨雞唱白日誰知有
兩徒

張生以詩來謁次其韻答之

閑坐蒲團幾個穿晚留一影畫漁船日長睡榻
千峰裡春近柴門五柳邊在處雲山皆我樂後
來衣鉢是誰傳諸生莫有登瀛步愛結而今病
鶴緣

八年春部書復至顧別駕以兩司之命來
勸駕用舊寫懷韻賦詩見示答之

恰恰啼鶯初變樹翩翩官騎忽穿雲杯觴花底
香迎客鼓笛樓前鬧送君老態一時都共見公
訝三疊敢相聞白頭空有丹心在北望
天遙感戀勤

名教可尊誰敢後少年空有氣凌雲得終殘喘
留將母直擬孤誠死報君俗變唐虞今日計
德光堯禹萬方聞太平何處無歌頌卧聽蓬萊
擊壤勤

贈林府尊

收歛精神入太清藉茅無計遣書程兩三別駕
風隨動十數花封月最明露冕江山無愧色攀
轅天地有真情東風欲別仙城樹滿路啼鶯是
頌聲

壽月溪翁為順德主簿張如玘

花影搖溪水半篙晚風送上釣漁舸乘流曳轉
波間綫擊楫歌翻月下騷元亮此生惟盞酒瑤
池何日更蟠桃僊封主簿徵詩急再拜江門致
幣勞

次韻鄭筠巢早春見寄

城郭塵埃不到身扶溪看老百回春里中物態
渾非舊墻外桃花只賣新此老直於三代見諸
郎雖在一官貧楚天何處堪回首目斷襄陽不

見人

次韻王樂用念憲見寄

七十餘年未覺新
耽眠猶是向來人
春杯斟盡啼鶯外
晚笛吹殘釣渚濱
人世謹防開眼錯
此懷得恐到頭真
青山果是無心出
何處眠窩共卜隣

次韻孫御史別後見寄

冥冥宇內繆相賢
處世如撐石瀨船
赤土喜逢三日雨
清談留到二更天
山中宿鳥知投樹
水底潛魚不離淵
明日畫船賓不顧
鬣龍翔鳳有來篇

白髮滄波了歲年
偶逢佳客話延緣
鳳毛五色能驚世
駿骨千金表好賢
索莫杯盤津口月
掃空雲霧水中天
寧知此地千年下
追詠能無千載前

次韻張侍御叔亨見寄

月出不扃溪上門
白頭漁父向人言
扁舟自唱濯纓曲
四海共知明主恩
小飲未嘗沽市酒

狂書時復弄茅根相思也有臺官夢夢見當年
住處村

家國不分無二門君今與我皆忘言五倫首重
君臣義一體元同骨肉恩長養嘉苗休失實剪
除惡木不留根他年我見張文獻異代風流嶺
外村

北溪容球來訪答之

孤月正酣東閣睡清風又到北溪船看君迥出
諸容右問我何如十載前劍氣燭天堪引望

花照眼未須憐山中碧玉仙家物已証先生作

睡仙

三月風光遍海堦誰家園裏棹觥船一身燮理
三杯內萬古乾坤半醉前幾度寄書言自愛何
人挈榼荷相憐自從托契中山後却笑他仙是
鬼仙

鄧俊圭喪兄慰之

每恨思君不見君一哀何處隔秋雲客來每及
難兄問訃至那堪故友聞碧玉三年空枕塊廬

岡四尺自封墳青天幾度看明月骨肉無言兩地分

次韻王叔毅弘行人見寄

駐屐花邊聽鳥音青山何處想登臨肩頭伊尹方能任脚板鷓鴣未了心歷歷更宜觀往古炎

思乃舅可無一字寄金陵麻衣豈是無高論

高樓何處可逃名說着衡山便有情木住三年

水還應作貴卿他日五峯供我粥不知誰是

門生

次韻余行人濂見訪

年富豈知行路永眼高猶喜閱人多荒村古木雲長鎖白鳥青天水不波老竹忽看高鳳下短

贈劉秀才

江門舊雨長公詩今日江西學者師弘治以前

無此詔宮牆之內少人知詩書豈但供時好進
退多應與世疑百歲光陰同轉瞬老夫雙鬢已
如絲

次韻答張天祥秀才

十處尋芳九處空遠隨溪舫訪溪翁請還几杖
歌春鳥學製綸竿弄晚風幾樹江山憐晚暮十
年遊走羨兒童張生來問衡山道又問衡山孰
我同

次韻孫御史擬弔崖

瞬息人間三百年尋常興廢不須憐羗胡此賊
真無賴中國何年壞守邊信國不來知有罪魯
齋當仕豈忘天太空不語乾坤病萬歲千秋老
泪漣

容彥禮率諸弟同在館下彥昭彥禮彥貞
相繼而逝彥潛今又卒感而有作

水光山色兩依然不見當年載酒船老我交游
踈後進君家兄弟散朝煙兩峯彥昭脚蹟今安
在彥昭常遊永豐江浦彥禮碑詩久未鐫某欲

禮墓誌 未刻 莫道江門空 識我千秋遺話及璣璿

悼彥潜用原韻

山樓耿耿夜燈然 誰借東良一日船 泪逐花溝
因暮雨愁迷鵲樹 慘朝煙養生有命妨新學 入
社無題侈舊鐫 瑩次若將昭穆定 九原新兆有
東璇

次韻劉少叅嘉會樓

九曲江邊一小樓 滿川風雨夜來收 扁舟東泛
桃花水香徑旁通 社若洲樓下脫蓑眠 翠浪樓

前揮袂揖浮丘 公來二月春多少 兩度詩筒向
此游

天氣初炎過此樓 江邊春色未全收 煙消垂柳
初凝岸風迤平荷 尚隔洲破屋數家 還碧玉好
山何處更丹竝 兩公勝會真難遇 結綺臨春是
別游

寄李世卿

再過湘江踏浪過 一帆西去傍煙蘿 家臨漢水
心無住人到衡山 興亦多豈是兵戈愁阻絕 不

因婚嫁笑蹉跎白鷗肯信閑於我也解忘機浴
遠波

湖北竹枝高自歌釣絲千丈引垂蘿煙霞脚底
真曾到歲月人間頗厭多雲水與君終浩蕩題
緘寄我莫蹉跎秋風脫駕衡山下共泛清湘明
月波

次韻張東所元旦見寄

未到朱陵古洞門一封先荷沈公恩睡窮殘臘
還憂病吟倚東風欲斷魂紫蓋不知誰是主青
天無盡鳥空鷲山人只合山中老一歲桃花種
一根

再用韻答黃大叅見寄

數篇何處好懷開疑是江門得意回嘉會樓前
曾駐節菱荷香裡小持杯急呼童子燒香讀重
遣黎生送酒來咫尺端溪不能到只憑清夢與
徘徊

別來幽抱不曾開長夏思君日幾回使我能吟
白雪曲須君共對紫霞杯凋零老鬢尚未已狂

殺春風肯再來莫為廬山動歸興紫薇花下少
徘徊

答鄧督府

不見如今五十年賢關風韻想依然衰齡我有
無窮朽督府公通第一箋願托經綸均嶺海莫
辭將相作神仙孤山鶴啄孤山月不要諸司費
俸錢

次韻臨汀鄔先生

水滿江門弄釣時一篇誰借病翁詩忽聞天外
舒長嘯都與人間作廣基海月偶紆南斗望風
光未遣北人知欲知此後相思處千載神交在
舞雩

贈童子久住侍父入京

還著小坡隨長公天葩未吐孝經通青襟誰不
羨童子白髮我徒成老翁曝日家聲從此大凌
雲氣魄蓋人雄曲江清獻鄉先達敢道後來無
此風

三贈文都

小住江門四十年，隔波相應荷相憐。
窓開四面客通刺，酒覆三杯月到船。
身上紫袍知有相，畫中碧眼亦真傳。
明朝庾嶺高回首，萬里晴波正接天。

靜軒次韻莊定山

崆峒道士出山頻，還入崆峒作主人。
當說夢時都是夢，未逢真處更求真。
蒲團坐破千峰月，信手推開六合塵。
無極老翁無慾教，一番拈動一番新。

次韻奉答廷贊別駕王先生見寄

年去年來年復年，浮生此夢尚依然。
不知草閣千峯外，坐到蒲團幾個穿。
馬跡交時鴛亦進，鳥鳴哀處鳳還遷。
兗州別駕憐同姓，不欠人間二頃田。

次韻梁平樂見寄

江山吾愛艷陽天，花柳青紅共一川。
眼底祇應無外物，筆端何病不能圈。
幾番作夢因何事，兩度傳緘莫有緣。
共語喜逢立御史，沉疴端為長

官痊

次韻答太虛上人

雨過山中百卉寒。人間回首又春殘。徒聞有病
肱三折未試回生藥。一丸石洞棲賢終苦節。太
虛持律最清端。年來雖闡蓮經教。却與無言是
一般。

次韻沈督府見寄

誰是朱陵洞裡人。世間此畫合描真。一瓢未醉
山中聖。七字先傳筆下神。青玉有期看我老。紫
芝無語為誰春。還公一缶一萬丈。半點飛雲是
近隣。

不住東南四百峯。鐵橋山淺笑迷踪。喜聞世外
無塵地。來伴巖頭掛月松。藥鼎便分煨芋火。道
入元是賣薑翁。先生數上衡山頂。紫蓋峯前望
白龍。

壽吳黃門母

何處思親錦卷封。荷花高映壽顏紅。喜看選雜
來天上。不覺依稀是夢中。幾歲風光依北極。半

簾月色見真容不辭頌禱遙相賀却對江山語
未工

用筠巢翁韻兼呈翁

酒處能歌未盡陶還從酒處說功勞每因興去
開三徑日對花來醉幾遭春意滿胸成浩笑花
神覲面見揮毫南山向晚無真意只謾悲吟也
未高

邱報劉亞卿先生以今冬十月得請還東
山喜而有作

衡岳五峯青貼天諸仙高步碧雲巔特書八字
非常見遣告三生是別傳一壺想共朱陵酒七
字先哦紫蓋篇紫蓋山名今夜江門看邱報東山元
與岳相連

和荅李子長見寄

賢聖由來病有之那堪一病屢移時心寬不怕
思眠早性慢終應得老遲白首喜同湛兩坐青
燈細話子長詩定山却喜劉文靖賢輩如何都
不思

次韻莊定山曲阜道中

曲阜之民如崇陽五畝之宅樹以桑太牢不驚
天子詔百里豈負聖人鄉爭得綠蓂插羽翼可
憐白髮來羨墻先生也未忘洙泗獨立源頭一
詠長

次韻莊定山謁孔廟

六經如日朝出東夫子之教百代崇揆之千聖
無不合施之萬事無不中水南新抽桃葉碧山
北亦放桃花紅乾坤生意每如是萬古不息誰
爲功

卧游上游庄湛民澤

上游洗足意如何到我來時還放歌秋半寫空
迷菊酒月明舞爛釣江蓁閒將野馬為賓主笑
把山花當綺羅人道上游真個好上游固好遇
人多

黃雲之高高幾何黃雲山人發浩歌短響入雲
白雪曲長裙拖地赤藤蓑黃鸝自愛藏深谷野
鶴高飛出罽羅山路相逢休問訊山靈掩口笑

何多

次韻張主事答鄧督府

萬古人心萬古天江門漁父笑空眠幸逢嶺外
千山靜共荷臺端一老賢群趨豈尚班行簇美
譽當令世代傳却憶東山天下望不留今日鎮
三邊

撥悶漫書

撥悶江樓病有詩詩成即事直堪嗤江山莫嘆
無前輩造物何嘗不小兒物遇歲寒形自性天
于定後見真機大易發揮群聖遠碧玉山人近
有詩

自怡堂為增江湛演題民澤世父也

十畝林中半是塘一蒲團卧花中央百年真樂
超人世萬壑清風在此堂洗足正當鐵橋水振
衣小坐黃雲岡四百影斜孤頂月任是神仙也
括囊

丁長官祠秋祭示里人

蒼涼月色皎秋晴海濶天高思已冥當日疲癯

均乳哺于今畎畝盡墻羹一祠已表桐鄉愛列
傳還須國史成霜耀星華朱鳥上水涵山骨鐵
橋清

夢莊定山遣使來問夢中以詩答云

定山歸後再清康夜半呼兒喜欲狂夢遣長鬚
來問病故應早歲見羹墻文靖一生隨老筆太
虛四大作禪床南北地殊生異世先生何處問
行藏

曉枕

碧玉山樓曉枕眠獨吟樓上笑陽關人世誰為
兒女態道流空說化形仙衡岳開山秋正好春
陵望岳地相連碧雲野路無羈絆五尺丹藤兩
屨煙

答雪齋先生惠曆

滄波老父多閑日碧玉先生着破巾一榻又便
深谷卧百年長借內臺春新書每用知時令寵
貺多應及里人鶴舞雲飛皆得意坐看百粵盡
歸仁

次韻吾縣博見寄

黃菊開時霜滿林
山風吹冷薜蘿襟
肯忘沂水歸時詠
也到廬山酒處尋
自得不須言有命
太虛元只是無心
白頭不作人間夢
一笑江門契亦深

次韻鄧督府見寄

眼看百物隨時過
路有千岐到處多
想見精神官裏坐
不離文字手中摩
白衣官領千峯醉
黃菊商量九日譌
堯舜浮雲無一點
廬山何敢更

差我

衡山和李子長見懷欲過江門

新詩把讀大開懷
久病諸生擬到崖
身上綠蓑都舞破
雨中黃葉忽飛來
酒逢菊日何人送

八月五日書至江門與重陽尚隔一月已言菊日者識喜也詩人興到落筆類多不實如此云

月照柴關每夜開
廬阜歸來見束髮
華陽巾好為君裁

秋來風月不開懷
暮遶朱陵百丈崖
青玉拂開壇上舞
紫鸞搏入手中來
野心雲水潛孤笑
老

眼乾坤病一開誰道李家無子弟紫冥句在不
堪裁

再次韻荅子長

懷極開懷是惱懷捉君手拍到天崖杖挑南極
星隨去人到西山鳳不來久坐或聞仙馭過登
高時見洞門開誰知山石書題遍笑倩何人爲
總裁

次韻汪鼎夫侍御壽母生日

可恨白雲無羽翼白雲朝暮在江南君親於

我皆無盡忠孝須君兩不慙錫命有封當第

一折肱治病不論三高堂壽筭重陽近又借黃
花一度酬

次韻吾縣博登嘉會樓見寄

醉下江邊百尺樓浩歌一曲有陳留想當詩舫
忘眠夜正是廬岡見月秋青紫要途何足顧江
湖豪氣未全收去尋野馬氤氳地即是人間第
一流

贈林教諭汝惇

舞雩聲響在春殘只隔人間幾片山偶此通名
秋竹院共君弄艇蘆花灣常於嶺右觀諸夏剛
被梅花送一寒普贈乾坤唯一點萬古長留字
宙間

贈鐫者何侃

一鐫一字一磨礪萬歲千秋感激同未蠟碑前
元屬我到書丹後却須公萬里雲霄回鷺鷥滿
池風雨舞蛟龍不知費盡閒心力誰傍斯文與
計傭

贈何侃如潮州刻三利溪記用潮州見寄
韻

咫尺荊州地肯容清光偏照華門中獨憐孺子
才堪賞不道詩人巧更窮已見千碑傳好事可
辭束帛聘鐫公潮陽父老如相問爲說周陳共
此風

九日和朱子韻示陳冕

正是詩忙酒亂時滿樓風雨不須歸碧苔院裏
多秋色紅樹溪邊又夕暉九日共餐花有菊暮

白沙集卷八
年誰羨錦為衣
滄江野艇來何處
遙望孤雲在翠微

卷八
六八
答馬龍惠筆

揮毫殺盡山中兔
雪管秋風文到門
入手當為天下技
禿頭終瘞水邊村
八分墨妙還江浦
科斗書成也
狀元思與兩賢同
把筆夕陽江郭斷
離魂

未推賢輩上騷壇
宗廟前頭有一門
已近宮牆窺此道
恐如遊騎走他村
圖書有秘誰先覺
坤復求端我亦元
到得滿懷風月在
不妨行坐弄吟魂

示諸生

無我無人無古今
天機何處不堪尋
風霆示教皆吾性
汗馬收功正此心
水火鼎中非玉液
鴛譜裏失金針
道人欲向諸君說
只恐諸君信未深

浮生擾擾白頭新
又見人間一度春
爾輩何時肯發憤
老聞夜雨欲傷神
此身天地逢人少
落

日江門叫鶴頻為報楊朱莫相笑孟軻不是褊
心人

聞緝熙授平湖掌教

偶從道路得行藏南北音書又一鄉
真自遠平湖風月可誰將山中舊坐香根老耳
畔新聲木鐸長衰病未知何日起扶留窓下正
抄方

次韻廷實示學者

樹倒藤枯始一扶諸賢為計得無踈閱窮載籍
終無補坐老蒲團亦是枯定性未能忘外物求
心依舊落迷塗弄丸我愛張東所只學堯夫也
不孤

讀茂卿次韻呈定山先生詩有夢入羅浮
之句用韻寄荅時世卿在白沙

鶴避茶煙信有之買田招鶴是何時百年睡息
深華岳九曲歌聲斷武夷有客到齋言種樹呼
兒插柳當編籬誰知萬里東橋月夢破羅浮亦
有詩

東橋茂卿住處

彼此衰榮更共之年過六十是衰時藜羹頗恨
無萊婦卉服都忘在島夷水暖河豚吹細浪露
寒秋蟹過踈籬江天好景無人畫每要先生藉
入詩

太虛上人以所註定山種樹詩見寄喜而
賦此兼稿呈定山

四十年前從事勞老來萬首放詩豪這回種樹
心全了若個山僧眼總高米送定山居寺近書
來南海與神交白蓮不結揚州社賓主依然是
遠陶

追次康節先生小園逢春之作

時物紛紛共鬪妍好春多在語鶯邊傍花隨柳
我尋句剩水殘山天賜年竹逕旁通沽酒市挑
花亂點釣魚船而今我愛孫思邈自古高人方
又圓

悼李九淵

九韶已死徵君老我與深之事偶同此夜北風

白沙子全集卷八
吹白髮舊時明月對蒼松聲名還許輩流上歲
月忽消鉛槧中莫笑腐儒無厚業尊前又手鳳
駒鴻

過康齋吳與弼先生墓

桐園三尺聘君墳猶有門人為掃雲此甘英靈
應識我斯文風氣莫如君吟殘老杜詩千首看
破伊川易幾分未了平生端的事九原風露倍
酸辛

弔鄒汝愚謫石城

少年為意儘崢嶸謫死天涯二十零舊雨不留
花縣榻秋風還閃石城旌兒啼母絕家何處水
宿山居路幾程人事每將天不定文章何用博
虛名

江月無光江水寒角聲杳杳夜漫漫孤兒歲月
初離乳夫子風流儘蓋棺身後豈知名可貴世
間長苦路行難鷓夷不亂當年計還得雲門枕
上看

弱女孤兒哭作團歸槎渺渺倩誰看乾坤敬士

此邦伯生死交情非長官遠陌不堪窮望眼寸
腸何直百憂端欲陳薄奠無由致園橘山蔬領
一盤
脩短榮枯分各該荒江落日為誰哀詞林當日
人如夢唐肆今朝馬又來功利紛紛難入手軋
坤滾滾負多才若將禍福論天道顛沛如公豈
理哉

留別諸友

時赴
召命

臺書春晚下漁磯中歲行截與願違鷗鷺自奉

還自去江山疑是又疑非難將寸草酬萱草且
著鶉衣拜衮衣但得 聖恩憐老母滿船明月
是歸時

崑崙西北是官陂滅跡烟霞我自遲獨往恐逢
江上雪相思還寄隴頭枝風雲想見千年會消
息終還七日期總為高堂難離別乾坤行道豈
無時

欠服松花一大車顛毛垂白齒牙踈非關
聖代無賢路自愛清風卧絳厨道上或逢人賣

白沙子全集 卷八 七三
屨眼中誰謂我非夫他時得遂投閒計只對青
山不著書一六
釣渚風長裊故絲水花含笑海鷗疑都將老子
行藏意分付東溟水月知自昔願從巢許後而
今豈異 帝堯時憑君寄語張東所更與飛雲
作後期

石門次林緝熙韻

與君傾蓋定前言來往青山十五年老我自知
難用世勞君相送過貪泉清言晚對江邊寺離

思秋生鳥外天留取西華一樽酒春風還擬上
江船

孤舟昔繫飛來寺白首重來十四秋君看秋風
吹彩鷁何如老子坐青牛留情世事終何補得
意雲山亦易休見說夔龍滿朝著 九重應許
放巢由

不寐

一飯不忘溝壑心白頭冰雪更相侵妻烹野菜
供晨饌兒點松燈對夜琴賦拙但留司馬壁碑

白沙子全集 卷八
成不賣退之金無端婚嫁相料理獨聽踈鍾到
夜深

次韻張東海

老去人間久廢談青衫不改舊圖南道超形氣
元無一人與乾坤本是三何物坐中春塊北幾
時鏡裡雪鬢髮白沙詩語如禪語試看南安太
守參

南安贈龍溪李知縣

玉枕山前逢使君西風吹破玉臺巾手中玉笋
休辭醉鬢脚黃花別是春鳳曆流年供俯仰龍
溪他日看經綸憑君若見蒙庵老為說于今白
髮新

回岐道中

回岐接水樹冥冥又是朝京一日程兩耳如聞
重譯語幾時不見五仙城朝無兕稚歌行酒夜
有巡船卧打更欲識羈情多少在崑崙深處白
雲生

聽秀夫誦定山先生之作

高格英風忽兩聯故人耳順是今年誰還敢擬
三千首我也前知八百仙淡淡菊花秋滿把陶
陶松蟻日高眠定山倘許吾板駕突過堯夫擊
壤前

廬阜書舍和潘百石

半畝還叨地主恩北來岡阜亦稱尊水搖荔子
紅當檻雨洗草蔭綠遶門飯後一牀便獨卧晡
時三觥喜微温何人為借丹青手寫過書齋也
未村

一飯區區亦有恩千秋壘洗定誰尊先生終日
卧隱几童子幾人來掃門晴旭滿窓啼鳥亂春
寒如酒著人温江門煙景還多少獨倚寒松望
遠村

青山別樣與人恩絕勝黃金買得尊從此往來
喬木下可人風日短籬門窓臨綠沼晴曦動爐
有丹砂伏火温莫道我無徐孺子又同廬阜又
同村

滄溟著艇未還恩又結廬岡土宇尊六十乃扶

居士杖尋常不過酒人門江山儘放襟懷闊風日頻來笑語溫只欠一詩閑道破無人走告定

山村

城中借竹且蒙恩竹在崇岡竹故尊萬里滄溟都座下一條官路自江門長驅李白詩中逸不舎堯夫酒後溫笑問地官張主事病翁今日住何村

程鄉學生鍾宏求社學記贈之

千里來携欠一圖東南村構幾模糊人扶世教何妨切老向斯文自愧疎雲谷許還徽國主周溪流到長官居秋風海上無窮意也向程鄉社學書

陳秉常雨中看柳

種得東風柳一千江山意思日無邊閑遮一老青春坐更縛孤舟白日眠近水雲煙相隱映他山桃李自媽妍莫辭細雨頻來看爭得風光在眼前

四言詩

題畫松泉為張別駕吉

水流石間生兩松樹洗耳掛瓢無此佳處幸逢
堯舜那無巢許

撥悶

久病在床展轉莫舒我欲觀化有握其樞人有
善願天必從之我病幾時我念西馳我行次且
如饑思食如寒思衣動惟厥時匪亟匪徐魚躍
鳶飛乃見真機天豈不知天偶遺之吾將尤誰
我聊任之撥悶以詩

示湛雨

有學無學有覺無覺千金一瓢萬金一諾天命
流行真機活潑水到渠成鳶飛魚躍得山莫杖
臨濟莫喝萬化自然太虛何說繡羅一方金針
誰掇

示黃昊

高明之至無物不覆反求諸身霸柄在手

與民澤

聖人之學惟求盡性性即理也盡性至命理由

化遷化以理定化不可言守之在敬有一其中
養吾德性

五言排律

月桂自白石移來

金粟初分我花仙不吝人煙霞三畝宅草木百
年身影入青霄舊香傳白石新為誰工態度本
自惜精神翠竹旁通徑緋桃正隔津生憂兒女
狎莫摘老夫嗔坐久風回席行逢露在中當時
尊玉茗平地隱冰輪收歛還真性生成荷大鈞

相逢山水地一笑武陵春

貞節堂栢

栢下拜群孫年華栢既尊 皇風動高盖聖澤
溉深根一事堪詩傳千年仗魯論撐空疑有力
印月自無痕日出江門近春回海角暄細香浮
竹院深色映籬門身謝看花塢家貧賣酒村陶
然綠陰處高枕弄吾丸

景雲田前尾

蓑笠堪從事少年農圃情乘潮打兩槳落日照

白沙子金剛卷一
孤城山廟題詩過汀鷗
伐鼓驚提携新耒耜
寂寞冥舊棋枰挾被防
春冷攤書讀晚晴
兒曹依本分吾道在躬耕

旌節亭瓦雀

瓦雀喜亭栖丹青意自迷
雨餘穿麗日花底啣香泥
並語聲全碎追飛羽忽低
悠悠去繒繳款款戀椽題
卵育非無地兒群或引梯
慣行書案上漸滿井欄西
不羨雕籠養真堪畫卷携
由來親白首那更避青藜
卿久如私昵喧多類滑稽
行藏非社燕飲啄溷家雞
度嶺千回歇排風幾寸躋
冥鴻於汝輩滄海一涔蹄

七言排律

王僉憲問一謾述

客來問我一如何碧玉高樓
夜夜歌廬阜一壺開我酒江
門八尺贈人蓑杏壇多士無
顏子洛下遺書病首科且就
玉衡觀轉運那曾珠斗見
森羅古來相遇難如此無恠
人間說夢多

南海祠下短述

虎門千頃雪翻騰中有長鯨鼓鬣行看弄漁舟
移白日欲拋塵土住滄溟江西不得誇彭蠡李
白何須醉洞庭天際有山皆古色水邊無樹不
秋聲一春桃李風吹盡萬里乾坤雨洗清畫舫
乘空書卷白晴霞映水布衣明不辭海上兒童
識亦有祠前老樹精歲歲放歌來此地晚年偏
喜不簪纓

代疏咎五羊諸友

白頭哭子豈堪聞信有玄穹怨不仁精爽已歸
千佛國玄纁未贈九原身求之夢後心如失病
是愁中藥不神鬢脚又添今日白庭花何異昔
年春東君此意誰分付又遣黃鸝喚向人

古風歌行

聽李深之說綠護屏聖池歌

天風吹斷雲冥冥陰崖露滴池水清牧童投竿
釣龍怒空山白日雷霆驚好事何人解尋覓李
生為我言歷歷安得健步上崢嶸萬里直見滄
波橫更憑猛手碎嵯峨一徑密遶青松多池旁

是我安樂富近者青松遠滄波紅塵溷溷如吾
何

除夕呈家兄

去年除夕色未稿今年除夕兄已老小弟朱顏
不如昨但說窮通無醜好山中茅屋二十年日
月逝矣如奔川兄弟五男并四女啜菽飲水同
炊煙慈母年高白髮少二十孀居憂未了眼前
黃口那得知爭覓梨栗相喧炊我年未老筋力
衰耒耜即付大頭兒童牛生角禾登壠為我丘

給通家糜

別蒼梧席間呈謝大叅段都閩

蒼梧城中三日雨曉坐肩輿辭兩府叅西藩者
謝大夫枉與段侯同出祖麻衣搭颯濫西席對
坐一文兼一武三人相逢豈易得一金便作華
筵主酒酣擁蓋回仙亭立馬蒼茫別容與

贈陳冕

南有滄溟水北有崑崙山我屋正在溪山間瞻
望不遠行實難白雲朝暮常漫漫桃花欲開梅

又殘問君此去何時還

過端溪硯坑

峽雲鎖斷端溪水白鶴群飛峽山紫獨憐深山
老鴿鴝萬古西風吹不起安得猛士提千鈞亂
石溪邊夜掇碎

行路難

穎川水洗巢由耳首陽薇實夷齊腹世人不識
將謂何子獨胡為異茲俗古來死者非一人子
胥屈子自殞身生前杯酒不肯醉何用虛譽垂
千春

修外海赤坭嶺墓作

赤坭岡頭封馬鬣生荆死竹無日月晚生曾孫
賤又劣仰首蒼天淚流血載鉏入山日已決北
風吹我篙櫓折悲鳴中夜聲嗚咽曉踏荒山馬
蹄熱開榛伐樹功務捷指揮群僕口喋喋須臾
豁見天然穴高下山川甚蟠結西南諸峯青不
絕東北漫漫海波貼向來淺土悲滅裂再掘又
恐靈氣洩復以玄石置墓碣永示雲來千萬劫

人生貴賤那可必下山復作兒女別

釣魚效張志和體

紅蕖風起白鷗飛大網攔江魚正肥微雨過又
斜暉村北村南買醉歸

秋雨書事寄黃叔仁

嶺南氣候殊中土七月初窮乃無暑樹杪晝蒙
密密雲簷前夜滴絲絲雨忽聞海上長風生卷
入寒城翳鍾鼓東舍今晨母歛兒西隣昨夜夫
埋婦人間生死不可期慟哭蒼生奈何許

與黃叔仁乃父題東溪卷

并引昔余居北

溪上與黃氏故隣也去之六
十年矣閱此卷有感而作

春煙漠漠溪溶溶鳥鳴終朝低竹叢桃花亂落
溪水紅白首一人扶一筇醉中忘却溪西東誰
載咿啞進酒蓬朝歌夕舞煩兒童吾廬若在茲
溪上如此風光不讓公

憫雨寄叔仁

去年無雨穀不登今年雨多種欲死農夫十室
九不炊天道胡為乃如此自從西賊來充斥一

十九年罷供億科徵不停差役多歲歲邊江民
荷戈舊債未填新債續里中今有逃亡屋安能
爲汝上訴天五風十雨無凶年

得林憲副待用書奉寄

午枕起攀庭樹株見戴白笠送君書開緘快讀
不見字世事滾滾終何如傾蓋一談未可少悵
望萬里徒區區願言保此無壞身烈火不解燔
空虛

自伍光宇墓還登蓬萊絕頂

故人墳前澆我酒白日欲西回馬首磴危道險
不可躋下馬長鬚扶兩肘三步一噫五步停引
吭出舌肺腸鳴此時平地慮顛踣仰首十丈梯
崢嶸以手捉僕肩以足踏崖頸躋攀欲上分寸
難又恐翻身落深阱山北鳴鶴鷗山南叫輶輶
豺虎伏奔狐狸遊天地滾滾令人愁小童魚貫
上復休絕頂始得巖巒幽開顏一望隘九州弱
水涓涓扶桑樛中覆一杯滄溟流穹然青者吾
羅浮神仙葛白俱蟬蛸湖西先生去十秋五羊

詩客徒淹留數公陳迹或可搜死者已矣吾何
憂後來諸生繼前脩努力莫倦蓬萊遊

有鶴寓懷先友丁彥誠邑宰

有鶴獨睨臨江樓雪衣迥映江天幽問爾莫是
蘇耽流蘇耽一去三十秋人間膏火不可留欲
往從之嗟無由鶴聞我言九回頭欲去不去增
綢繆四野無雲風颼颼矯翮萬里須臾周顧我
欲下非丁侯

題畫春草

蘭兮蘭兮翳灌莽棘刺蒲芽迤消長野竹抽稍
一千丈巨石盤雲覆仙掌鶴鷄三三無兩兩鼓
翼飛鳴齊下上仰視玄穹極高廣梯稗瓦礫皆
真賞半酣一爬誰老癢五羊城中鍾雪舫

答惠菊

玉臺山中冬酒熟玉臺氤氳聞紫菊香帆帶雨
來山家九尺一莖紛天葩主人持酒向花笑坐
下無花詩不妙近者擊壤歌二千菊花之音如
響泉陳村老人植菊手玉蘂金華光照牖世人

有眼不識真愛菊還他晉時人一瓢酪酏廬山下萬乘之君不得臣

讀東坡年譜

坡翁春秋六十六脚債一生償不足黃州去後
惠州來無何又向儋州宿瘴雨蠻風經幾時放
歸便就毘陵木熙寧以下至元符中間老稚圍
船哭婦女倉皇吏卒欺坡翁已就臺官獄平生
幾冊篋中書一一旁搜付四祿西望眉山不知
處俯仰乾坤何局促假令坡翁活百年長領詞
官稱玉局氣節文章古所難先知孰與愚公谷
丈夫當自慎出處何爾嗷嗷蒙毀辱

戲題張千戶畫松

張侯畫松人不識松不畫橫惟畫直上千青霄
下盤石倒卷蒼龍二千尺神物安可留屋壁變
化虛空了無迹不然恐遭雷斧闢左手執弓右
持戟取勝無過萬人敵侯莫畫松費筆力

夢匡廬

老年心折何處山昨夜夢鼓潯陽柁九天無雲

瀑布飛聲落長江震吳楚望湖亭邊延五老遠
之近之無不可欲携五老還滄溟一囊又借長
髯我

與世卿同遊崖山作

海風晝號山木折黑浪夜撼蒼崖裂有廟於此
昭臣節吾昔大書吾腦熱天冠地屨華夷別萬
古不使綱常滅角聲嗚嗚旗獵獵樓船將軍過
擊楫楚客傍觀嘿無說肝腸裏有三公鐵南山
老人紅玉頰久坐松根待明月

題梁先生芸閣

聖人與天本無作六經之言天注脚百氏區區
贅疣若汗牛充棟故可削世人聞見多尚博恨
不堆書等山岳舍東丈人號芸閣高坐松根自
鳴鐸樞趨童子慎唯諾口授心傳為小學孝經
論語時參錯子史平生盡拈却寄以斯名聊自
詭講下諸郎頗淳樸誰敢作嘲侮先覺讀書不
為章句縛千卷萬卷皆糟粕野鳥晝啼山花落
舍西先生睡方著

題馬默齋壁

屋後青山屏翳合
簷前綠樹煙花匝
主人閉門履不納
跣趺明月光
遶榻客來問我笑
不答但聞山鶯啼
恰恰橙橘盈園野
芳雜門外一江深
映閣四時八風誰
管押煙飛霧走龍
騰甲拙者孤舟持
酒榼成化十年甲
午臘

偶得

衡山西遊何時還
暫寄漁蓑水石間
又恐風吹江日殘
扁舟打落蘆花灣
教兒且築大雲山

可左言贈憲府王樂用歸瑞昌

可
可
可
左
左
左
費
盡
多
少
精
神
惹
得
一
場
笑
唾
百
年
不
滿
一
瞬
煩
惱
皆
由
心
作
若
是
向
上
輩
人
達
塞
一
齊
覷
破
歸
來
乎
青
山
還
我
白
雲
滿
座
莫
思
量
但
高
卧

贈左明府考績之京

六
十
花
封
一
高
要
高
要
得
公
當
不
小
阿
衡
事
業
世
豈
知
天
下
經
綸
此
中
了
百
里
萬
里
大
小
同
語
默
出
處
非
殊
調
君
今
考
績
赴
天
官
我
只
弄
我
江

門鈞

力疾書慈元廟碑記

北窓一榻羲皇前青燈碧玉眠三年慈元落落
吾所憐兩崖山高青閣天崖門之水常涓涓一
碑今為東山傳虛言不扶名教顛又病江湖落
日前嗚呼此意誰與言嗚呼此意誰與言

墜牀詩

母子之愛天所維廬岡數步扃幽扉近者夢寐
常追隨墜身床下如僵尸把火來照我為誰久
病不死長命雛側身東面魂依依

六月十夜枕上

歲歲與年年幾見春秋過枕前有時自放春風
顛堯夫擊壤歌千篇大醉起舞春風前碧玉不
知今幾年望望衡山眼欲穿世卿茲來何延緣
枕上

江門水上廬山巔蒲團展卧羲皇前洗手一弄
琴無絃江門之水常淵淵月光雲影江吞天安
得古今名家如劉文靖莊定山題一言洞視千

古如浮煙江門水與銀河連又何必栖栖向釣
魚臺上來打眠夫然後信性氣果江湖行藏動
星象同符羊棗老子未化之跡可見之形以為
曠世之賢而思齊其賢也耶

示諸生

江門洗足上廬山放脚一踏雲霞穿大行不加
窮亦全堯舜與我都自然大者便閑躍與潛守
身當以藩籬先世間膏火來熬煎市朝名利相
喧填百年光景空留連丈夫事業何由宣昔者

綠鬢今華巔嗚呼老去誰之愆

病中寄張廷實用杜子美韻

碧玉丈人天性直長以語人人不識胸中一部
蓮華經江雲浩浩江冷冷時取黃鶴樓中老鐵
笛傍崖吹之江神歛衽無人聽安得張乖崖來
分與衡山一半今日在衡山為我作粥便是當
年事業成

與謝天錫

先生大事久未衰造次于人不啓齒先生老窮

白雲子全集卷八
旋渦佛戒頂驚心羅漢水麥舟遇我蓋非難凶
歲探囊誠未易佳城許讓白牛岡借助希微非
我意為我寄聲謝韓子紛紛薄俗古今然所幸
男兒窮有志後山之後豈無人百丈中流看砥
柱

民澤自白沙館告還謁母故以歸為望

黃雲山人風韻奇擊壤亦唱堯夫詩頃者省母
增江湄梅花雪月如見之西風千畝稻垂垂再
把葫蘆斬纏歸出門莫作兒女悲陽關三疊徒

嘯

黃雲乃民澤所居之洞也

贈黎申兼呈克脩梧州

蒼梧夜雨連床廬阜冬帆獨透夢中彩筆子須
投海上黃雲我當種短歌送子子合知無病呻
吟何足諷


王樂用僉憲江門看病別後賦此

米葉吾衣草吾屨鳥解唱歌花解舞天際虹橋
萬丈高袖裏青蛇三尺許破帽衝開華頂雲西
望衡山久延佇堂堂名教天命之六六洞天誰

是主五羊城中老法星日昨江門看病去

感事示黃生叔仁

親老需甘軟家貧乏困倉賣文應不免為恨故
難忘揮俗黃生激辭賓子覺剛爾曹雖得罪無
愧在門墻



白沙子全集卷之八終

